




玉函山房輯佚書

□ 11
1236
12

十二



1236
12

1236
12



玉函山房輯佚書目

卷十一

經編尚書類

尚書王氏注二卷 魏王肅

集注尚書一卷 晉李顥 缺

古文尚書音一卷 晉徐邈

尚書舜典注一卷 晉范甯

尚書劉氏義疏一卷 隋劉焯

尚書述義一卷 隋劉炫

尚書顧氏疏一卷 隋顧彪

之皆與馬融及偽孔合偽孔之出于肅乃情事之所
有考古者當以此辨之歷城馬國翰竹吾甫

尚書王氏注卷上

魏王肅撰

序

尚書者上所言史所書故曰尚書也

陸德明經典釋文序錄孔穎

達書序正義引有尚書者三字無下句劉子元史通卷一章如愚山堂考索卷三

太誓近得其本經

太誓正義十七鄭樵六經奧論卷二

虞夏書

正義馬融鄭康成王肅與劉向別錄皆曰虞夏書

堯典

曰若稽古帝堯曰放勳

順考古道

魏志高貴鄉公紀引賈馬及肅

分命義仲

皆居京師而統之亦有時逃職

正義王天與尚書纂傳卷一

泌路史後紀卷十一羅莘注

日中星鳥以殷仲春

星鳥之屬為昏中之星

正義

宅南交

夏無明都避敬致

平在朔易

改易者謹約蓋藏循行積聚詩嗟我婦子曰為改

歲入此室處言人物皆易

並同上

日短星昴以正仲冬

日永則晝漏六十刻夜漏四十刻日短則晝漏四

十刻夜漏六十刻日中宵中則晝夜各五十刻

詩齊

風東方未明正義引馬融王肅鄭知日見之漏滅晝漏五刻不意

馬融為傳已滅之矣因馬融所見而又滅之故日

長為五十五刻因以冬至反之取其夏至夜刻以

為冬至晝短此其所以誤耳

正義王應麟六經天文編卷上

所

宅為孟月日中日永為仲月星鳥星火為季月以

殷以正皆總三時之月仲讀為中言各正三月之

中氣也正義 玉海卷九引同又卷二引作宅嵎

夷孟月也日中日永宵中仲月也星鳥火

月也虛昴季 暮三百有六旬有六日以閏月定四時成歲

暮四時是也一暮三百六十五日四分日之一又

入六日之內舉全數以言之故云三百六十六日

也斗之所建是為中氣日月所在斗指兩辰之間

無中氣故以為閏也正義 胡士行 尚書詳解卷一

方合地族

方音放釋文引 鄭王

岳曰异哉試可乃已帝曰往欽哉

堯意不能明繇是以試用魏志高貴 鄉公紀

師錫帝曰有鰥在下曰虞舜

虞地名也古者將舉大事訊羣吏訊萬民堯將讓

位咨四岳使問羣臣衆舉側陋衆皆願與舜堯計

事之大者莫過禪讓必應博詢吏人非獨在位正義

我其試哉

試之以官同上

釐降二女于媯汭

媯汭地名酈道元水經注卷四
太平御覽卷六十四

慎徽五典

徽許韋反美也釋文 唐釋元應幻士仁王
經音義 又六度集音義

納于大麓

麓錄也釋文 堯納舜于尊顯之官使大錄天下萬機

之政虞世南北堂書
鈔卷五十九堯得舜任之事無不統自慎

徽五典以下是也正義

乃言底可績

底音之履反致也釋文 文選陸士
衡演連珠李善注

正月上日受終于文祖

惟殷周改正易民視聽自夏已上皆以建寅為正

此篇二文不同史異辭耳正義 玉海卷
九引上四句文祖廟

名釋文

肆類于上帝

肆綏也文選王子淵
洞簫賦注上帝天也

禋于六宗

禮絜祀也

釋文

六宗者所宗者六皆絜祀之埋少牢

于泰昭祭時也相近于坎壇祭寒暑也王宮祭日

也夜明祭月也幽崇祭星也雩崇祭水旱也禮于

六宗此之謂矣

徐堅初學記卷十三

歐陽詢藝文類聚卷三十八

紉珠卷一

玉海卷一百二

羣書攷索卷三十

正義引祭法

五馬端臨文獻通考卷八十一

云埋少牢至水旱也以爲王肅亦引彼文乃云禮

于六宗此之謂矣釋文六宗王云四時寒暑口

月星水

早也

輯五瑞

輯五瑞

輯合也

釋文

同律度量衡

同齊也律六律也

釋文

玉海卷六

修五禮五玉三帛二生一死贊

三帛纁元黃也附庸與諸侯之嫡子公之孤執皮

帛其執之色未詳問或曰孤執元諸侯之適子執

纁附庸執黃

正義

三十五

玉與之周禮訂義卷

八十七

至于南岳

五岳東岳岱南岳衡西岳華北岳恒中岳崧高

詩大

雅崧高正義引孝經鉤命訣五岳云云以爲王肅之注尙書服虔之注左傳鄭於大宗伯注皆然

尚書注疏

卷五

十一

卷六

十一

卷六

十一

肇十有二州

舜為冀州之地太廣分置并州至夏復為九州省

并州合于冀州周之九州復置并州李吉甫元和郡縣圖志卷

十三 樂史太平寰宇記卷四十

流宥五刑

謂君不忍刑殺宥之以遠方正義 王元亮唐律疏議文卷一忍作盡

竄三苗于三危

三苗國名也釋文引馬王

殛鯀于羽山

鄭氏以禹治水事畢乃流四凶若待禹治水功成

而後以鯀為無功殛之是為舜用人子之功而放

流其父則禹之勤勞適足使父致殛為舜失五典

克從之義禹陷三千莫大之罪進退無據亦甚迂

哉正義 春秋襄二十一年正義引作鄭云禹治水既畢乃流四凶下有難云二字無若待及功

成四字用下無舜字禹上有為字適下無足字父下無致字舜上無為字

二十有八載

徵用三載其一在徵用之年其餘二載與攝位二

十八年凡三十歲也正義 劉恕通鑑外紀卷一

月正元日

夏而上皆寅正

路史後紀卷十一注

月正元日猶言正月上

日變文耳禮云令月吉日又變文言吉日令辰此

之類也

正義

咨十有二牧曰食哉惟時

食哉者所以重民食

太平御覽卷八百四十七

柔遠能邇

能安遠者先能安近

正義

熙帝之載

載成也

正義事也

文選顏延年皇太子釋奠會詩注

懋哉

懋勉也

釋文

黎民阻飢

阻難也

同上

播時百穀

播敷也

正義

五品不遜

五品五常也

史記五帝本紀集解

五服三就

三就原野也朝市也甸師氏也正義引馬鄭王

五流有宅五宅三居

宅如字禮記釋文謂在八議之辟君不忍殺宥之以遠

正義

惟明克允

惟明其罪能使之信服同上

禹曰益哉正義引馬鄭王本

教胥子

胥子國子也釋文初學記卷十五

分北三苗

三苗之民有赦宥者復不從化不令相從分北流

一之正義

臯陶謨

庶明厲翼

以衆賢明爲砥礪爲羽翼正義

彰厥有常吉哉

明其有常則善言有德當有恒也同上

俊又在官

才德過千人為俊百人為义正義引馬鄭王

庶績其凝

凝猶定也正義

一日二日萬幾

一日二日猶日日也正義引馬王

無曠庶官天工人其代之

天不自下治之故人代天居之不可不得其人也

正義

自我五禮有庸哉

五禮謂王公卿大夫士正義也玉海卷六十八

思曰贊贊襄哉

贊贊猶贊奏也正義

帝曰來禹汝亦昌言禹拜曰都帝予何言

帝在上臯陶陳謨于下已備矣我復何所言乎同上

予決九川距四海

九川者九州之川也太平御覽卷六十八

濬畝澮距川

尚書三氏注

鄭經館補校

澮深二刃八尺爾雅四尺曰刃

周禮考工記賈公彥疏王肅依爾雅

云云

懋遷有無化居

易居者不得空去當滿而去當滿而來也

正義

日月星辰山龍華蟲作繪

舜時三辰即畫于旌旗不在衣也天子山龍華蟲

耳

正義 玉海卷八十四

齋成五服至于五千州十有二師外薄四海咸建五長

五千里者直方之數若其回邪委曲動有倍加之較是直路五千里也治洪水輔成之者謂每服之內為其小數定其差品各有所掌是禹輔成之也周禮大司馬法二千五百人為師每州十有二師通計之一州用三萬人功總記九州用二十七萬庸庸亦功也州境既有濶狹用功必有多少例言三萬人者大都通率為然惟言用三萬人者不知用功日數多少治水四年乃畢用功蓋多矣不知

用幾日也

正義

解卷六

林之奇尚書全玉海卷十七

祖考來格

祖考來至者見其光輝也正義

禹貢

冀州既載

言已賦功屬役載于書籍正義

至于衡漳

衡漳二水名正義尚書全解卷七

厥田惟中中

言其土地各有肥瘠正義尚書全解卷七

島夷皮服

島夷東北夷國名也正義

夾右碣石入于河

凡每州之下說諸治水者禹功主於治水故詳記

其所治之州往還所乘涉之水名正義尚書全

禹貢指南卷二

濟河惟兗州

東南據涉西北距河詩曹風鄭譜正義

澗汨會同

漼於用反

釋文

厥土赤埴墳

埴讀曰熾

釋文徐引鄭王

厥貢惟土五色

王者取五色土為大社封四方諸侯各割其方色

王者覆四方也

晉書禮志宋書禮志杜佑通典卷四十五

淮夷蠙珠暨魚

淮夷水名

正義尚書全解卷八

惟金三品

三品金銀銅也

詩魯頌泮水正義

璫琨篠簜

璫琨美玉次石者也

正義陳樸翁書纂疏卷四

厥包橘柚錫貢

橘與柚錫其命而後貢之不常入當繼荊州之無

也

礪砥砮丹

丹可以為采

正義傳寅禹貢集解尚書纂傳卷四

包句甌菁茅

包揚州厥包橘柚從省而可知也正義

榮播既豬正義馬鄭王皆作榮播

榮播澤名正義

厥土青黎

青黑色黎小疏也正義

西傾因桓是來

西治傾山唯因桓水是來言無他道水經注卷三十六

黑水西河惟雍州

西據黑水東距西河正義何書全解卷九禹貢集解卷一尚書纂傳卷

四井鼎七經孟子考文

西戎卽敘

西戎西域也正義尚書全解卷九禹貢集解史記夏本紀索隱引作西戎

在西域

導沂及岐

三條導沂北條西傾中條嶓冢南條正義引馬融王肅蔡沈

集傳卷二金陵祥尚書表注卷上書傳纂疏卷二

同爲逆河

同逆一大河納之于海正義尚書全解卷十時瀾增修東萊先生書說

尚書王氏注卷上志姆媛館補校

圖說

過三澁

三澁水名也

水經注卷四十引馬融王肅

又東至于醴

今注疏本作澁依史記引作醴

醴水名

史記夏本紀集解引馬融王肅

導渭自鳥鼠同穴

鳥鼠同穴皆山名

詩秦風鄭譜正義

五百里荒服三百里蠻二百里流

賈馬既失其實鄭元尤不然矣禹之功在於平治

山川不在於拓境廣土土地之廣三倍於堯而書傳無稱焉則鄭之創造難可據信漢之孝武疲弊中國甘心夷狄天下戶口至減大半然後僅開緣邊之郡而巴禹方憂洪水三過其門而不入未暇以征伐爲事且其所以爲服之名輕重顛倒遠近失所難得而通先王規方千里以爲甸服其餘均平分之公侯伯子男使各有寰宇而使甸服之外諸侯皆入禾藁非其義也史遷之旨以爲諸小數者皆是五百里服之別名大界與堯不殊蓋得之

矣正義詩商頌殷武正義史遷之旨傳稱萬盈

數也萬國舉盈數而言非謂其數滿萬也詩桓曰

綏萬邦蒸民曰採此萬邦豈周之建國復有萬乎

一天地之勢平原者甚少山川所在不啻居半豈以

不食之地亦封建國乎王圻千里封五十里之國

四百則圻內盡以封人王城官室無建立之處言

不顧實何至此也百國一師不出典記自造此語

何以可從禹朝羣臣于會稽魯語文也執玉帛者

萬國左傳文也採合二事亦為謬矣益櫻正義引王肅禹貢之

注尚書全解卷六 玉海卷十七 案詩周頌天
作正義引王肅難曰鄭云禹之時土廣三倍于堯
計萬里為方五千里者四
而肅云三倍則除本而三

甘誓

有扈氏

有扈與夏同姓正義引孔馬鄭
王與皇甫謐等

商書

契孫相土居商丘故湯取商為號春秋襄九年正
義 湯誓正義

引無契孫
及故字

盤庚

不言詰可也取其徙而立功非但錄其語故但盤

庚名篇堯典正義引無下句正義引取其

盤庚遷于殷

自祖乙五世至盤庚元兄陽甲宮室奢侈下民邑

居墊隘水泉瀉鹵不可以行政化故徙都于殷正義

尚書全解卷十八 金履祥通鑑

前編卷四 路史國名紀卷四注

于今五邦

湯自商徙亳數商亳囂相耿為五正義引鄭王

今汝聒聒

聒聒拒善自用之意正義釋文引馬融同

遲任有言曰

遲任古老成人正義釋文引馬融同

盤庚作惟涉河以民遷

為此思南渡河之事正義

汝萬民乃不生暨予一人猷同心

生生進進進同心願樂之意

今予告汝不易

告汝以命之不易為難

懋建大命

勉立大教建性命致之五福並同上

鞠人謀人之保居敘欽

鞠養也言能謀養人安其居者我則次序而敬之

正義引鄭王

高宗彤日

祖己曰惟先格王正厥事

祖己告于王正義尚書纂傳卷十六

典祀無豐于昵

高宗豐于禴故有雉雉升遠祖成湯廟鼎之異正義

王海卷八十八

西伯戡黎

西伯既戡黎

王者中分天下為二公總治之謂之二伯得專行

征伐文王為西伯黎侯無道文王伐而勝之正義尚

書全解卷二十一

微子

微子若曰父師少師

尚書王氏注

卷一

老嫗館補校

微國名子爵入為王卿士正義論語邢昺疏

卿士師師非度

卿士已下轉相師效為非法度之事也正義

今爾無指告子顛濟

言無意告我也史記宋微子世家集解是微子求教誨也濟

濟溝壑正義

尚書王氏注卷下

周書

秦誓

司馬在前

司馬太公也詩大雅大明正義太平御覽卷一四百六十七玉海卷三十七

牧誓

千夫長百夫長

師長卒長正義

弗迓克奔以役西土

尚書王氏注卷下

十八娘嬛館補校

讀御為禦言不禦能奔走者如殷民欲奔走來降者無逆之奔走去者可不禦止役為也盡力以為

我西土

同上

洪範

惟天陰騭下民相協厥居我不知其彝倫攸敘

陰深也言天深定下民與之五常之性王者當助

天和合其居所行天之性我不知常道倫理所以

次敘是問承天順民何所由

正義 劉三五 書傳會選卷四

次三曰農用八政

農食之本也故以農言之

正義引張 晏王肅

水曰潤下

水之性潤萬物而退下

正義

火曰炎上

火之性炎盛而升上

同上

土爰稼穡

種之曰稼斂之曰穡

史記宋微子 世家集解

思曰睿

睿通也思慮苦其不深故必深思使通于微也

正義

明作愬正義引王肅作愬

愬智也正義

七日賓

賓掌賓客之官也

五日歷數

日月星辰所行布而數之所以紀度數也並同上

人之有能有為使羞其行而邦其昌

使進其行任之以政則國為之昌史記宋微子世家集解

是順是行以近天子之光史記作是順引王肅亦作順

民納言于上而得中者則順而行之近猶益也順行民言所以益天子之光

曰天子作民父母以為天下王

政教務中民善是用所以為民父母而為天下所

歸往並同上

六三德一曰正直二曰剛克三曰柔克

正直能正人之曲直剛能立事和柔能治孔傳正義云

王肅意與孔同

惟辟作福惟辟作威惟辟玉食

不言王關諸侯諸侯于國得專賞罰正義

臣之有作福作威玉食其害于而家凶于而國

大夫稱家言秉權之臣必滅家復害其國也同上

七稽疑擇建立卜筮人

言將考疑事選擇可立者立為卜人筮人正義引鄭王

日雨曰霽日圜曰雩日克今注疏本作日蒙日驛正義引王肅作雩作圜在

前

圜霍驛消滅如雲陰雲天氣下地不應閭冥也克

兆相侵入蓋兆為二折其折相交也正義

凡七卜五占用二衍忒

卜五者筮短龜長故卜多而筮少占用二者以貞

悔占六爻衍忒者當推衍其爻義以極其意同上

日舒恒煥若正義豫鄭王本作舒

舒倚也正義

日蒙恒風若

蒙瞽蒙也

日月之行則有冬有夏

日月行有常度君臣禮有常法以齊其民

四曰攸好德

言人君所好者道德為福並同上

金滕

既克商二年

克殷明年也正義

啓籥見書

籥開藏占兆書管也正義 史記魯周公世家集解

周公居東二年則罪人斯得

東洛邑也管蔡與商奄共叛故東征鎮撫之案驗

其事二年之間罪人皆得正義或曰詩序三年而歸

此言居東二年其錯何也曰書言其罪人斯得之

年詩言其歸之年也詩幽風譜正義

二公命邦人凡大木所拔盡起而築之歲則大熟

築拾也禾為大木所偃者起其木拾下禾無所亡

失正義引鄭王文王年十五而生武王九十七而終時

受命九年武王八十三矣十三年伐紂明年有疾

時年八十八矣九十三而崩以冬十二月其明年

稱元年周公攝政遭流言作大誥而東征二年克

殷殺管蔡三年而歸制禮作樂出入四年至六年

而成七年營洛邑作康誥召誥洛誥致政成王然

則文王崩之年成王已三歲武王八十而後有成

王武王崩成王已十三周公攝政七年致成王年

二十詩豳風譜正義 洛誥正義 書集傳輯錄

五纂注卷五 書傳纂疏卷五 書傳會選卷

堂位禮記明 正義

大誥

王若曰大誥猷爾多邦正義云鄭王本猷在誥下

稱成王命故稱王禮記明堂 正義

天降割于我家不少延

言害不少乃延長之正義引 鄭王

洪惟我幼冲人嗣無疆大歷服

惟爲念向下爲義大念我幼童子與繼文武無窮

之道正義

殷小腆誕敢紀其績

腆主也殷小主謂祿父也大敢紀其王業經紀王

業望復之也

天降威知我國有疵

天降威者謂三叔流言當誅伐之並同上

知我國有疵

知我國有疵病之瑕正義引鄭王

我有大事休朕卜并吉

何以言美以三龜一習吉正義

厥子乃弗肯堂矧肯構厥考翼其肯曰予有後弗棄

基正義厥考翼其肯曰予有後弗棄基鄭王本矧肯構下亦有此一經

爽邦由哲亦惟十人迪知上帝命

我未伐而知民弗救者以民十夫用知天命故也

正義

惟大艱人誕鄰胥伐于厥室爾亦不知天命不易

惟大為難之人謂管蔡也大近相伐于其室家明

不可不誅也管蔡犯天誅而汝不欲伐則亦不知

天命之不易也並同上

率寧人有旨疆土矧今卜并吉今注疏本作有指正義引王注作旨

順文王安人之道有旨意盡天下疆土使皆得其

所不必須卜筮也況今卜三龜皆吉明不可不從

也正義

尚書王注

卷下

十一卷二十六

康誥

康圻內國

孔傳正義云
馬王亦然

酒誥

成王若曰明大命于妹邦

正義馬鄭王以文
涉三家而有成字

名誥

錫周公曰拜手稽首旅王若公

爲戒成王錫周公

正義

天終智藏瘵在

瘵病

正義引
鄭王

夫知保抱攜持厥婦子以哀籲天

匹夫知欲安其室抱其子攜其妻以悲呼天也

正義

書傳會
選卷五

自服于土中

自用

正義引
鄭王

旦曰其作大邑其自時配皇天

旦周公名也禮君前臣名故稱周公之言爲旦曰

正義

我不敢知曰

尚書王注

卷下

八 嬭嬭館補校

我不敢知者其意言亦是王所知也正義云王說亦然

子小臣敢以王之讎民百君子

我小臣名公自謂正義

洛誥

咸秩無文

秩序也文選張平子東京賦李善注又顏延年赭白馬賦注

乃汝其悉自教工

此其盡自教百官謂正身以先之正義

汝乃是不獲

獲勉也釋文引馬王

旁作穆穆迓衡

迓音魚據反釋文引馬鄭王

王曰公予小子其退即辟于周命公後

成王前春亦俱至洛邑是顧無事既會而還宗周

周公往營成周還來致政成王也正義

王賓殺禋成格王入太室裸

成王尊周公不敢臣之以為賓故封其子太室清

廟中央之室正義玉海卷九十七

多士

非我小國敢翼殷命

正義鄭元王肅本七作翼

翼取也

正義案釋文引馬注同

肆予敢求爾于天邑商

言商分爲我之天邑

正義

予大降爾四國民命

君爲民命爲君不能順民意故誅之也

爾厥有榦有年于茲洛

汝其安事有長久年于此洛邑

並同上

無逸

其在祖甲

祖甲湯孫太甲也

正義史記魯周公世家集解

肆祖甲之享國三十有三年

先中宗後祖甲先盛德後有過也

史記魯周公世家集解

文王受命惟中身

文王受命嗣位爲君

正義

汝則況自敬德

正義皇王作況

況滋益用敬德

正義

不永念厥辟

辟扶亦反不長其刑辟不當加無罪也同上

君奭

又曰天不可信

周公重言故稱又曰重言不可信明己之留蓋畏

其天命正義

我道惟寧王德延

寧王者即文王也正義引鄭王

幸惟茲有陳保又有殷

循此數臣有陳列之功安治有殷也史記燕召公世家集解

王人罔不秉德明恤

王人猶君人也無不持德立業正義

小臣屏侯甸

小臣臣之微者舉小以明大也

天壽平格保又有殷

殷君臣之有德故安治有殷言是者不可不法殷

家有良臣也並同上

多方

周公曰王若曰

周公攝政稱成王命以告及還政稱王曰嫌自成

王辭故加周公以明之正義

因狎于內亂正義鄭王皆以甲為狎

狎習災異于內外為禍亂正義

乃惟成湯克以爾多方簡代夏作民主

以大道伐夏作民主

我惟大降爾四國民命

四國四方之國言從今以後四方之國苟有此罪

則必誅之謂戒其將來之事

克闔于乃邑謀介爾乃自時洛邑尙永力畋爾田

其無成雖五年亦不得反也並同上

立政

周公若曰拜手稽首告嗣天子王矣用咸戒于王曰

王左右常伯常任準人綴衣虎賁周公曰嗚呼休茲

知恤鮮哉

于時周公會羣臣告戒成王其言曰拜手稽首者

是周公讚羣臣之辭休茲此五官休哉正義尚書全解卷

三十五 尚書 纂傳卷三十五

古之人迪惟有夏

古之人道惟有夏之大禹為天子也正義

帝欽罰之

敬罰者謂須暇五年

立政任人準夫牧作三事

文王所以立政任人常任也準夫準人也牧者諸

侯之長也並同上

夷微盧烝三亳阪尹

蠻夷微盧之眾帥及亳人之歸文王者三所為之

立監及阪地之尹長皆用賢孔傳正義云鄭王

則克宅之克由繹之茲乃俾乂

能居之在位能用陳其才力如此故能使天下治

也正義

顧命

乃同召太保奭芮伯彤伯畢公衛侯毛公師氏虎臣

百尹御事

彤姒姓之國其餘五國姬姓畢毛文王庶子衛侯

尚書王氏注

卷下

十三 姬嬖館補校

康叔所封武王母弟治事蓋羣事也

正義 尚書全解卷三十一

七 尚書纂傳卷三十六 書集傳輯錄纂注卷六 劉恕

通鑑外紀卷三

爾無以釗勗贛于非幾

釋文昌馬鄭王作勗貢馬鄭王作贛案注疏采釋文脫

據原書錄

越翼日乙丑王崩

成王二十八年崩

通鑑外紀卷三

越七日癸酉伯相命士須材

召公爲一伯相王室故曰伯相

正義 尚書全解卷六

牖間南嚮敷重篋席黼純華玉仍几

篋席織翦萃席

正義 尚書全解卷三十三

卷三 此見羣臣覲諸侯之坐

孔傳 正義云王肅說四坐皆與孔同據

補

西序東嚮敷重底席綴純文貝仍几

底席青蒲席也此旦夕聽事之坐

正義 尚書全解卷三十七上

尚書纂傳卷三十八

東序西嚮敷重豐席畫純雕玉仍几

豐席莞此養國老饗羣臣之坐

同上

尚書王氏注

卷下

鄭媛館補校

西夾南嚮敷重筍席立粉純漆仍几

此親屬私宴之坐正義

赤刀大訓

大訓虞書典謨正義尙書全解卷三十七

大玉夷玉天球河圖

夷玉東夷之美玉天球玉磬也正義案釋文引馬注同河圖

八卦也正義

大輅在賓階面綴輅在阼階面先輅在左塾之前次輅在右塾之前

不陳戎輅者兵事非當故不陳之正義引馬融王肅

三人雀弁執惠立于畢門之內四人綦弁執戈上刃夾兩階阼一人冕執劉立于東堂一人冕執鉞立于西堂一人冕執戣立于東垂一人冕執瞿立于西垂一人冕執銳立于側階

惠戈劉鉞瞿銳皆兵器之名也正義尙書全解卷三十七尙書

纂傳卷三十八 騏赤黑色正義側階東下階也正義引鄭王

率循大卞

大卞大法正義

王三宿三祭三咤

咤奠爵

正義卷六

書集傳輯錄纂注
書傳纂疏卷六

畢公率東方諸侯入應門右

畢公代周公為東伯故率東方諸侯

正義尚書
纂傳卷三十

九玉海卷
一百十一

誕受羨若

羨道也

正義案釋
文引馬注同

無壞我高祖寡命

寡命美文王少有及之故曰寡有也

正義

康王之誥

王若曰庶邦侯甸男衛惟予一人釗報誥

正義云馬
鄭王本此

篇自高祖寡命已上內于顧命之
篇王若曰已下始為康王之誥

昔君文武丕平富

文武道大天下以平萬民以富也

正義

底至齊信用昭明于天下

底至齊立大中之道也

同上

呂刑

折民惟刑

折音惹釋文引馬鄭王

今爾何監非時伯夷播刑之迪

伯夷道之以禮齊之以刑正義

今爾安百姓何擇非人何敬非刑何度非及

訓以安百姓之道當何所選擇乎非當選擇賢人

乎史記周本紀集解度謀也非當與主獄者謀慮刑事度

世輕重所宜也正義

墨辟疑赦其罰百鍰

六兩為鍰周禮攷工記治氏疏

文侯之命

造天丕愆殄資澤于下民侵戎我國家純

遭天之大愆謂幽王為犬戎所殺殄絕其先祖之

澤于下民侵犯兵寇傷我國家甚大謂犬戎也正義

若汝子嘉

如汝之功我所嘉也正義山井鼎七經考文

費誓

徂茲淮夷徐戎並興

皆紂時錯居中國正義

尚書王氏注卷下 鄭媛館補校

敵乃于

敵楯當有紛繫持之正義 尚書纂傳卷四十五

杜乃獲斂乃奔

杜閉也獲所以捕禽獸機檻之屬斂塞也奔穿地為之所以陷墮之恐害牧牛馬故使閉塞之正義

魯人三郊三遂

邑外曰郊郊外曰遂不言四者東都留守故言三

也史記魯周公世家集解

汝則有無餘刑非殺

汝則有無餘刑父母妻子同產皆坐之無遺免之者故謂無餘之刑然八千罪隸亦不殺之正義

秦誓

我心之憂日月逾邁若弗云來

年已衰老恐命將終日月遂往若不云來將不復見日月雖欲改過無所及蓋自用改過遲晚深自

咎責之辭正義

如有一介臣斷斷猗無他技其心休休焉其如有容一介耿介一心端慤斷斷守善之貌無他技能徒

守善而已休休好善之貌其如是人能有所容忍
小過寬則得衆穆公疾技巧多端故思斷斷無他
技者正義

書序

虞夏書

帝釐下土方設居方別生分類作汨作

九共九篇稟飲

共己勇反法也汨作九共故逸釋文

臯陶矢厥謨禹成厥功帝舜甲之作大禹臯陶謨棄

稷益稷正義馬鄭王所據書序此篇名爲棄稷

商書

自契至于成湯八遷湯始居亳從先王居作帝告釐

沃

契孫相土居商上故湯因以為國號詩商頌譜疏

伊尹作威有一德

君臣皆有一德史記殷本紀集解

周書

惟十有一年武王伐殷戊午師渡孟津作大誓三篇

大誓武王以大道誓眾正義

武王勝殷殺受立武庚以箕子歸作洪範

箕子紂之諸父正義引鄭元王肅

成王既伐管叔蔡叔以殷餘民封康叔作康誥酒誥

梓材

康國名在千里之畿內既滅管蔡更封為衛侯詩

鄭衛譜正義

平王錫晉文侯秬鬯圭瓚作文侯之命

幽王既滅平王東遷晉文侯鄭武公夾輔王室者

為大國功重故平王命為侯伯正義

古文尚書音一卷晉徐邈撰邈有周易音已著錄隋志載其古文尚書音一卷外又云梁有尚書音五卷孔安國鄭元李軌徐邈等撰亡蓋邈後之人集四家音合爲五卷至隋已亡猶存邈一卷之音今並佚矣從陸氏釋文參集韻六經正誤等書輯錄邈在東晉之世梅賾所上古文孔氏傳已出故徐氏音有肩征太甲說命諸篇並及孔傳之字也音從鄭氏者多其不明言鄭者亦可推見之歷城馬國翰竹吾甫

[Faint bleed-through text from the reverse side of the page, including characters like '大甲' and '不取言']

古文尙書音

晉 徐邈 撰

尙書序

八卦之說謂之八索音素

陸德明釋文

蘇故切求也

丁度集韻

云聲十一
暮索字注

虞書

堯典

曰放勳放鄭王如字

釋文

光被四表被扶義反

寅賓出日寅以真反又音夷下同賓音殞

鳥獸毳毛如勇反又而充反

帝曰吁往付反一音于

共工方鳩僝功僝音撰

方命鄭王音放

异哉异鄭音異孔王音怡已也並同上

舜典

輯五瑞輯音集釋文

乃日覲四岳羣牧音目同上

東巡守巡養純反

釋文 歐陽德隆 押韻釋疑卷一

俞綸切行也集韻

上平聲十八 諄巡字注

俞倫切

司馬光類 篇卷二

十有一月有于救反釋文

扑作教刑扑敷卜反

金作贖刑贖音樹

闢四門闢甫亦反

垂哉垂音睡

夙夜惟寅音夷

歌永言永音詠又如字

子擎石拊石拊音府

朕墜讒說殄行聖在力反說失銳反

別生分類作汨作分扶問反並同上

大禹謨本虞書總為一卷釋文

嘉言罔攸伏攸以帚反同上

嘉乃丕續丕甫眉反釋文 案注疏采釋文脫此條據原書錄

無稽之言勿聽天定反釋文

惟口出好出尺遂反好許到反

惟先蔽志蔽甫世反

正月朔旦正音征

舞于羽于兩階音皆並同上

臯陶謨

擾而毅擾音饒釋文

日嚴祇敬六德嚴魚檢反釋文引馬徐

兢兢業業五答反釋文

一日二日萬幾音機

天明畏音威

予未有知音智

思曰贊贊襄哉思音息吏反並同上

益稷

予思日孜孜思如字又息吏反文釋

予乘四載傳山乘標音丘遙反

暨益奏庶鮮食鮮音仙並同上

粉糝音米釋文粉米徐本作糝

絺繡絺勅私反又勅其反文釋

否則威之否音鄙

傲虐是作傲五報反並同上

薄四海薄扶各反文釋蒲各反毛居正六經正誤卷二

夏擊鳴球夏古八反文釋

合止祝敬合音閣

元首叢脞哉脞音瑣並同上

夏書

禹貢

漚沮會同漚音邕文釋

海濱廣斥音尺同上

岱嵬谷絲泉釋文嵬徐本作嵬谷

萊夷作牧音目一音茂注同文釋

厥土赤埴墳埴鄭王皆讀曰熾

淮夷蠙珠蠙扶堅反

厥匪玄纘縞古到反

厥木惟喬音驕

島夷卉服卉許貴反並同上

云土夢作又釋文雲徐本作云夢莫公反文釋

杼榦栝柏杼勑荀反木名又作櫨

礪砥弩丹砥之履反

包匭菁茅菁音精

導荷澤被孟豬荷音柯又士可反注同被扶義反注

同

岷嶓既藝嶓甫河反

厥土青黎力私反

厥貢珍鐵珍音蚪又居蚪反又閭幼反

至于大伾扶眉反又敷眉反

東匯澤為彭蠡匯胡罪反

祗台德先台音怡並同上

甘誓

怠棄三正音征釋文

五子之歌

有窮后羿胡細反釋文

顏厚有忸怩乃私反

崩征

羲和湏淫湏音緬面善反釋文

湯始居亳扶各反

作帝告釐沃鳥酷反並同上

商書

湯誓

率割夏邑割音謁釋文

予其大賚汝賚音來

仲虺之誥

湯歸自夏至于大坰欽螢反又古螢反釋文

若粟之有稗甫里反又必履反

垂裕後昆裕以樹反

能自得師者王于況反又如字並同上

湯誥

賁若草木賁扶云反飾也文釋

俾予一人俾甫婢反使也

無從匪彝音夷並同上

伊訓

朕哉自亳扶各反文釋

敢有殉于貨色殉辭荀反

比頑童比扶至反

聖謨洋洋音翔並同上

太甲上

克左右厥辟甫亦反文釋

肆嗣王丕承基丕甫眉反文釋緒餘殘也集韻下平聲九麻餘字注

引徐逸說

太甲中

欲敗度縱敗禮敗甫邁反文釋

既往背師保之訓背扶代反

咸有一德

天難諶市林反

為上為德為音于偽反

不獲自盡子忍注同

沃丁既葬沃於毒反

祖乙地于耿地扶美反

盤庚五遷將治亳殷民咨胥怨胥思餘反

並同上

盤庚上

有條而不紊音文

釋文

無交切亂也

集韻上平聲二十文紊字注

相時憮民相息羊反憮七漸反

遲任有言曰遲持夷反

邦之不臧子郎反度乃口度如字亦音渡

盤庚中

誕告用直誕音但

比于罰比扶志反注及下同

臭厥載臭尸售反

恐人倚乃身倚於奇反

並同上

予御績乃命于天御音訝

顏師古匡謬正俗卷二

我乃劓殄滅之劓吾氣反

釋文魚既切割也

集韻去聲八未劓字

注

盤庚下

今子其敷心腹腎腸持良反釋文

用降我凶德降下江反釋文今注疏采釋文此條據原書錄

說命上

夢帝賚予良弼賚音來釋文

用汝作舟楫音集

若藥弗瞑眩呼縣反瞑眩困極也並同上

若跣弗視地跣七顯反釋文此演切足親地也集韻上聲二十

入彌跣字注

說命下

咸仰朕德仰五亮反釋文

微子

我用沈酗于酒沈直金反釋文

今般其淪喪淪力允反釋文縷尹切沒也集韻上聲十七集淪字注

吾家耄遜于荒孔傳故欲遜出於荒野遜徒頓反一

音徒困反釋文

用父讎斂讎鄭音疇馬本作稠云數也斂鄭力劒反

同上

十一卷四十九

我不願行遯顧音鼓 釋文果五切視也 集韻上聲十 姥顧字注

周書

秦誓上

剝剔孕婦孕養證反正義

秦誓下

毒痛四海痛音敷又普吳反同上

牧誓牧一音茂

王左杖黃鉞杖直亮反

及庸蜀兇鬻兇起良反

比爾干比扶志毗志二反

牝雞無晨牝頻引反又扶忍反

俾暴虐于百姓俾甫婢反下同 並同上

弗御克奔御五所切匡謬正 俗卷二

武成

武王伐殷往伐歸獸始售反本或作罍始救反釋文 匡

謬正俗卷二引 云獸如售反

哉生明哉音載釋文

陳于商郊陳音塵

古文尚書音

十娘媛館補校

血流漂杵漂敷妙反又匹消反

大賚于四海賚音來並同上

洪範

不界洪範九疇界甫至反注同與也釋文

彝倫攸斃同路反敗也

三日視市止反

五日思息吏反下同

明作哲之列反又之世反

而畏高明畏鄭音威

使羞其行下孟反

惟辟作福辟補亦反並同上

曰蒙亡鉤反釋文卷六經正誤二

庶草蕃廡莫柱反釋文

曰哲音制又音哲

曰豫羊庶反又音舒

巢伯來朝芮伯作旅巢命巢吕交反並同上

金縢

植璧秉珪植音置釋文

是有丕子之責于天丕甫眉反

啓箒以略反

名之曰鴟鴞名亡改反

王與大夫盡弁扶變反

代武王之說如銳反並同上

大誥

敷賁音憤釋文

天明畏音威

天棐譴辭棐音匪又芳鬼反並同上

康誥

聞于上帝聞如字又音問釋文

紹聞衣德言衣於既反

往盡乃心盡予忍反

應保殷民應於韻反

罔弗憖徒猥反

大泯亂泯武軫反

告汝德之說始銳反

酒誥

古文尚書音

矧惟若疇圻父薄違農夫薄扶各反違音回

梓材

肆亦見厥君事見賢遍反

戔敗人宥戔在羊反又七良反

惟其塗墍茨墍許旣反茨在私反

惟其塗丹雘烏郭反並同上

名詒

惟丙午臚芳尾反又芳憤反釋文

用顧畏于民晷五威反文音吟

比介我有周御事此扶志反

用供王能祈天永命供紀用反注供待同並同上

洛誥

伴來伴敷耕反又甫耕反下同釋文

伴嚮許亮反注同

頌朕不暇頌甫云反

汝乃是不獲莫剛反又武剛反

萬年厭于乃德厭於廉反並同上

多士

敢弋殷命弋音翼釋文

罔攸賓音殞同上

爾不翅不有爾土翅始豉反釋文音始豉反徐本作翅音同

君顛

遏佚前人光遏音渴絕反釋文

亦惟有若號叔號公伯反

有若闕夭於驕反

文王蔑德蔑亡結反並同上

蔡仲之命

乃致辟管叔于商辟扶亦反釋文

汝卽乃封甫用反釋文芳用切爵土也集韻去聲三用封字注

成王既踐奄將遷其君子蒲姑蒲如字又扶各反釋文

立政

綴衣綴之衛反又之劣反釋文

迪知忱恂于九德之行下孟反

陟丕釐上帝之耿命耿工穎反又工永反下同

其在受德醫亡巾反一音閱

乃倅我有夏倅敷耕反又甫耕反

用儉人儉七漸反本又作懋同儉利之人並同上

周官

還歸在豐還音全釋文

擾兆民擾音饒同上

顧命

王乃洮頰水洮音逃釋文

相被玉几被扶僞反注同

惟幾音畿下同

則肄以至反又以制反

在後之侗音同又勑動反

用敬保元子釗之肴反

出綴衣于庭出尺遂反

狄設黼宸黼音補

西夾音頰注同

敷重筍竹子竹爲席于貧反

漆仍几漆七利反

二人雀弁扶變反

夾西階阼夾工洽反阼音士

一人冕執瞿音懼

由賓階躋子詣反

釋文 案今注疏采釋 脫此條據原書錄

率循大卞扶變反

並同上

三咤陟嫁反又音託又豬夜反

釋文 闕各切奠爵也 集韻

入聲十九 鐸咤字注

宅授宗人同拜宅殆故反

太保降收注畫收徹直列反

康王之誥

付異四方界甫至反

並同上

畢命

庚午肅芳尾反又芳憤反

釋文

予小子垂拱仰成仰五亮反

慎固封守始救反

並同上

罔命

側媚注諂諛之人諛以朱反

釋文

爾無昵于儉人儉七漸反利口也本亦作憚

同上

昌刑

爰始淫爲劓刵椽黥 刵如志反

釋文

古文信書音

去 鄒 媛 館 補 校

泯泯芬芬以覆詛盟 泯音民芬扶云反覆敷目反

其罰百鍰戶關反六兩也同上

費誓

杜乃獲戶覆反

釋文

胡谷切捕獸機檻也

集韻入聲二屋獲字注

斂乃阱斂乃協反又乃結反釋文

我商賚汝商音章

釋文

諸良切度也

集韻下平聲十陽商字注

賚音

來

釋文

峙乃植榦植音貞

釋文

秦誓

屹屹勇夫屹屹馬本作訖訖強狀

惟截截善論言論敷連反又甫淺反

釋文

邦之杌隄語結反同上

古文尚書舜典注一卷晉范甯撰甯字武子順陽人
官至豫章太守事蹟具晉書本傳隋志以此書著錄
下云梁有尚書十卷范甯注亡唐志有范甯注十卷
陸德明經典釋文序錄作集解亦十卷陸氏云江左
中興元帝時豫章內史枚瓚奏上孔傳古文尚書亡
舜典一篇購不可得乃取王肅注堯典從脊徽五典
以下分爲舜典學徒遂盛後范甯變爲今文集注俗
間或取舜典篇以續孔氏此今文猶今字蓋孔傳本
隸古定尚多古字范則直改爲今字也正義曰昔東

晉之初豫章內史梅賾上孔氏傳猶闕舜典多用王
 范之注以補之隋志有范注舜典一卷以合孔傳獨
 存也唐復得其十卷之全故舜典注不復著自今並
 佚從劉昭後漢志注唐釋元應一切經音義太平御
 覽等書輯得十二節大抵用馬鄭舊義孔傳所採遺
 說具存注疏內惜無由區分之也歷城馬國翰竹吾
 甫

古文尚書舜典注

晉 范甯 撰

舜典

慎徽五典五典克從納于百揆百揆時叙賓于四門

四門穆穆納于大麓烈風雷雨弗迷

陸德明經典釋文叙錄江左中

興元帝時豫章內史枚賾奏上孔傳古文尚書亡
 舜典一篇購不能得乃取王肅注堯典從昏徽五
 典以下分為舜典以續之學徒遂盛後范甯變為
 今文集注俗間或取舜典篇以續孔氏據此則范
 注舜典亦以昏徽五典為篇
 首特變古文昏為今文慎爾

禮于六宗

考觀衆議各有說難鄭氏證據最詳是以附之後漢

書祭祀志鄭元曰六宗星辰司中司命風伯雨師

也星五緯也辰謂日月所會十二次也司中司命

文星第五第四星也風師箕也雨師畢也據漢志注補錄

歲二月東巡狩至于岱宗柴今注疏本作巡守後漢書祭祀志注引書及范

甯注並作狩

巡狩者巡行諸侯所守二月直卯故以東巡狩也

祭山曰燔柴積柴加牲於其上而燔之也後漢書祭祀志

上劉昭注

脩五禮

吉凶軍賓嘉也

五玉

五等諸侯之瑞珪璧也

三帛

玄纁黃三孤所執

二牲今注疏本作生後漢志作牲注引范說

羔鴈也卿執羔大夫執鴈

一死

雉也七所執

贊

總謂上所執之以為贊者也並同上

肇十有二州

禹平水土置九州舜為冀州廣大分為并州燕置

幽州分齊為營州始為十二州太平御覽卷一百五十七

蠻夷猾夏

猾亂也釋元應雜寶經卷八音義

寇賊姦宄

寇謂羣行攻剽者也大般涅槃泥洹經卷一音義甘露味阿毗曇論卷上音

義陀羅尼雜經卷二音義大乘十輪經卷五音義

三考黜陟

黜退也大智度論卷十音義

籍就之讀書向經古年雖衣食不繼宴如也存此遺
編功力具見爾歷城馬國翰竹吾甫

[Faint bleed-through text from the reverse side of the page, including characters like '尚書劉氏義疏' and '卷六十二']

尚書劉氏義疏

隋 劉焯 撰

虞書

臯陶謨

思曰贊贊襄哉

襄因言進習上古行事因贊成其辭而言之也 孔穎

達正義
引二劉

周書

泰誓上

尚書劉氏義疏

鄭媛館補校

十一卷六十三
惟宮室臺榭陂池侈服

宮室之上而加侈服

正義引
二劉

牧誓

及庸蜀羌髳

蜀是蜀郡顯然可知孔不說又退庸就濮解之故
以次先解羌云羌在西蜀叟者漢世西南之夷蜀
名爲大故傳據蜀而說左思蜀都賦云三蜀之豪
時來時往是蜀都分爲三羌在其西故云西蜀叟
以者蜀夷之別名故後漢書興平元年馬騰劉範

謀誅李傕益州牧劉焉遣叟兵五千人助之是蜀
夷有名叟者也髳微在巴郡者巴在蜀之東偏漢
之巴郡所治江州縣也盧彭在西北者在東蜀之
西北也文十六年左傳稱庸與百濮伐之楚遂滅

庸是庸濮在江漢之南

正義引
大劉

武成

惟一月壬辰旁死魄

三日爲始死魄二日爲旁死魄

同上

洪範

尚書劉氏義疏

椰嬛館補校

初一日五行次二曰敬用五事次三曰農用八政次
四曰協用五紀次五曰建用皇極次六曰乂用三德
次七曰明用稽疑次八曰念用庶徵次九曰嚮用五
福威用六極

龜背先有總三十八字

正義引大劉及顧氏

皇極若得則分

散總為五福若失則不能為五事之主與五事並
列其咎弱故為六也猶詩平王以後與諸侯並列
同為國風焉咎徵有五而極有六者五行傳云皇
之不極厥罰常陰即與咎徵常雨相類故以常雨

包之為五也

正義引大劉

一五行一曰水二曰火三曰木四曰金五曰土

水火木金得土數而成故水成數六火成數七木

成數八金成數九土成數十

正義引大劉與顧氏

何書述義一卷隋劉炫撰炫字光伯河間景城人官至太常博士北史有炫傳與劉焯傳相次焯傳云少與河間劉炫結盟爲友又云劉炫聰明博學名亞於焯故時人稱二劉焉炫本傳敘其著作有尚書述義二十卷隋唐志並作述義卷同今佚孔氏正義引之或稱二劉或稱小劉或稱劉君正義序謂炫嫌焯之煩雜就而刪焉蓋炫書以焯爲本稍加裁改然則稱二劉者說無區分稱小劉者與大劉爲說不同矣稱劉君亦劉炫據孔序謂炫義更太略辭又過華以爲

尚書述義一卷隋劉炫撰炫字光伯河間景城人官至太常博士北史有炫傳與劉焯傳相次焯傳云少與河間劉炫結盟爲友又云劉炫聰明博學名亞於焯故時人稱二劉焉炫本傳敘其著作有尚書述義二十卷隋唐志並作述義卷同今佚孔氏正義引之或稱二劉或稱小劉或稱劉君正義序謂炫嫌焯之煩雜就而刪焉蓋炫書以焯爲本稍加裁改然則稱二劉者說無區分稱小劉者與大劉爲說不同矣稱劉君亦劉炫據孔序謂炫義更太略辭又過華以爲

炫之所失此稱劉君亦在駁斥條內與春秋正義駁
劉炫規杜稱劉君同故知之也今以稱大劉者歸焯
稱小劉及劉君者歸炫其稱二劉者各著之明其為
一家之學而異同亦借可攷焉歷城馬國翰竹吾甫

尚書述義

隋 劉炫 撰

虞書

皋陶謨

思曰贊贊之襄哉

襄因言進習上古行事因贊成其辭而言之也孔穎

達正義引二劉

周書

泰誓上

尚書述義

椰嬛館補校

惟宮室臺榭陂池侈服

宮室之上而加侈服

正義引二劉

類于上帝宜于冢土

后土與皇天相對后土為地

名誥正義引小劉

武成

顧命云惟四月哉生魄始生月十六日也月十六

日為始生魄是一日為始死魄二日近死魄也

正義

載此文云顧氏解死魄與小劉同不別引小劉知此即劉解也

洪範

初一日五行次二日敬用五事次三日農用八政次

四日協用五紀次五日建用皇極次六日又用三德

次七日明用稽疑次八日念用庶徵次九日嚮用五

福威用六極

敬用等亦禹所第敘其龜文惟有二十字

正義引小劉

無虐烝獨而畏高明

據人臣

同上

呂刑

上刑適輕下服下刑適重上服輕重諸罰有權

娜嬛館補校

上刑適輕下刑適重皆以爲一人有二罪上刑適輕者若今律重罪應贖輕罪應居作官當者以居作官當爲重是爲上刑適輕下刑適重者謂若二者俱是贓罪罪從重科輕贓亦備是爲而輕并數

也

正義引劉君

尚書顧氏疏一卷隋顧彪撰彪字仲文餘杭人明尚書春秋煬帝時爲秘書學士北史儒林有傳傳稱撰古文尚書又疏二十卷行於世隋志尚書疏二十卷尚書文外義一卷唐志顧彪古文音義五卷文外義一卷疏不著錄今並佚亡從正義輯錄爲帙疏衍孔傳而時參用鄭康成說蓋顧嘗爲今文尚書音大傳音各一卷留心舊學不墨守一家之訓詁也歷城馬國翰竹吾甫

尚書顧氏疏

尚書顧氏疏

隋顧彪撰

尚書序

伏犧神農黃帝之書謂之三墳言大道也少昊顛頊高辛唐虞之書謂之五典言常道也

伏犧或曰包犧讀包為庖取其犧牲以供庖廚也帝王世紀云伏犧母曰華胥有巨人跡出於雷澤華胥以足履之有娠而生伏犧於成紀蛇身人首神農母曰女登有神龍首感女登而生炎帝人身

尚書顧氏疏

一 鄭嬭館補校

牛首黃帝母曰附寶見大電光繞北斗樞星附寶感而懷孕二十四月而生黃帝日角龍顏少昊金天氏母曰女節有星如虹下流意感而生少昊顓頊母曰景僕昌意正妃謂之女樞有星貫月如虹感女樞於幽房之宮而生顓頊堯母曰慶都觀河遇赤龍暍然陰風感而有孕十四月而生堯舜母曰握登見大虹感而生舜此言謂之三墳謂之五典者因左傳有二墳五典之文故指而謂之孔穎達正義

更以竹簡寫之

策長二尺四寸簡長一尺二寸同上

虞書

堯典

欽明文思

隨便而言無義例也知者此先聰後明舜典之明四目達四聰先明後聰故知無例也正義

臯陶謨

曰若稽古臯陶

傳云亦順考古道以言之二謨其目正同故云亦
 順考古道以言也堯舜考古以行謂之為典大禹
 臯陶考古以行謂之為謨典謨之文不同其目皆
 云考古故傳明言其意夫典謨聖帝所以立治之
 本雖言行有異皆是考法古道以成不易之則故
 史皆以稽古為端目但君則行之臣則言之以尊
 卑不同故典謨名異禹亦為君而云謨者禹在舜
 時未為君也
 惟帝其難之

堯舜不以此為難今云難者俯同流俗之稱也

思曰贊贊襄哉

襄上也謂贊奏上古行事而言之也

金稷

日月星辰山龍華蟲作會宗彝藻火粉米黼黻絺繡
 日月星辰取其照臨山取其能興雷雨龍取變化
 無方華取文章雉取耿介藻取有文火取炎上粉
 取潔白米取能養黼取能斷黻取善惡相背

並同上

夏書

尚書顧氏疏

鄭媛節補校

禹貢

厥賦惟上上錯

上上之下即次上中故云雜出第二之賦也正義

夾右碣石入于海

山西曰右

導弱水至于合黎

地說書合黎山名並同上

五子之歌

關石和鈞

傳曰金鐵曰石通金鐵於人宮不禁障民得取之
以供器用用器既具所以上下充足以金鐵皆從
石而生金鐵亦石之類也正義引費氏顧氏等
肩征

其或不恭邦有常刑

傳言百官廢職服大刑百官衆臣其有廢職懈怠

不恭謹者國家當有常刑正義

乃季秋月朔辰弗集于房瞽奏鼓嗇夫馳庶人走

夏禮異於周禮也同上

商書

湯誥

茲朕未知獲戾于上下

未知得罪于天言伐桀之事未知得罪于天地以否湯之伐桀上應天心下符人事本實無罪而云未知得罪以否者以求衆心

伊訓

惟元祀十有二月乙丑

殷家猶質踰月即政即改元以明世異不待正月

以為首也

正義 劉恕通鑑外紀卷二

據經序及太甲之篇大

甲必繼湯後而殷本紀云湯崩太子太丁未立而卒於是乃立太丁之弟外丙三年崩別立外丙之弟仲壬四年崩伊尹乃立太丁之子太甲與經不

同據正義補

止可依經誥大典不可用傳記小說

正義

具訓于蒙士

蒙謂蒙闇之士

正義

太甲中

惟三祀十有二月朔伊尹以冕服奉鬯王歸于亳

尚書頌天流

鄭媛館補校

祥禫之制前儒不同案士虞禮云替而小祥又替
 而大祥中月而禫王肅云祥月之內又禫祭服彌
 寬而變彌數也禮記檀弓云祥而縞是月禫徙月
 樂王肅云是祥之月而禫禫之明月可以樂矣案
 此傳云二十六月服闋則與王肅同鄭玄以中月
 爲間一月云祥後復更有一月而禫則三年之喪
 凡二十七月與孔爲異
 咸有一德
 臣爲上爲德爲下爲民

言臣奉上布德者奉上謂奉爲在上解經爲上也
 布德者謂布爲道德解經爲德也順下訓民者順
 下謂卑順以爲臣下解經爲下也訓民者訓善道
 助下民解經爲民也

盤庚上

汝曷弗告朕而胥動以浮言恐沈于衆
 汝以浮言恐動不徒更是無益我恐汝自取沈溺
 於衆人不免禍害也

盤庚中

今其有今罔後汝何生在上

責羣臣汝今日其且有今目前之小利無日後久

長之計患禍將至汝何得久生在民上也並同上

周書

泰誓上

惟十有一年武王伐殷一月戊午師渡孟津作泰誓

三篇

古史質或云正月或云一月不與春秋正月同義

泰者大之極也猶如天子諸侯之子曰太子天子

之卿曰太宰此會中之大故稱泰誓也正義

侈服

華侈服飾

泰誓中

百姓凜凜若崩厥角

常如人之欲崩其角也言容頭無地隱三年穀梁

傳曰高曰崩頭角之稱崩體之高也

牧誓

武王戎車三百兩虎賁三百人與受戰于牧野作牧

尚書顧氏疏

七 鄉環館補校

誓

車有七十二人三百乘凡二萬一千人計車有七十二人三百乘當有二萬一千六百人孔略六百而不言故曰舉全數

並同上

武成

惟一月壬辰旁死魄

顧命云惟四月哉生魄傳云始生魄月之十六日也月十六日為始生魄是一日為始死魄二日近死魄也

正義載此文下云顧氏與小劉同不別引劉解知劉顧均如此解

洪範

初一日五行次二曰敬用五事次三曰農用八政次四曰協用五紀次五日建用皇極次六曰父用三德次七日明用稽疑次八曰念用庶徵次九曰嚮用五福威用六極

龜背先有總三十八字

正義引大劉及顧氏

前八事俱得五

福歸之前八事俱失六極臻之故福極處末也

正義

一五行一曰水二曰火三曰木四曰金五曰土

水火木金得土數而成故水成數六火成數七木

尚書顧氏疏

八嬭嬭館補校

成數八金成數九土成數十

正義引大劉與顧氏

無虐癸獨而畏高明

此經據人君並同上

星有好風星有好雨

箕星好風者箕東方木宿風中央土氣木克土為妻從妻所好故好風也畢星好雨者畢西方金宿雨東方木氣金克木為妻從妻所好故好雨也推此則南宮好暘北宮好燠中央四季好寒以各尚妻之所好故也正義引鄭元云顧氏所解亦同於鄭

大誥

肆予曷敢不越卬救寧王大命

上不卬自恤傳云不惟自憂遂皆以卬為惟但卬

之為惟非是正訓正義

康誥

又曰要囚服念五六日至于旬時

又曰者周公重言之也

今惟民不靜未戾厥心迪屢未同

明惟天者言天明察在上見民不安乃以刑罰誅

戮於我

酒誥

惟天降命肇我民惟元祀

元大也洛誥稱元祀孔以為舉秩大祀

純其藝黍稷奔走事厥考翼

勤種黍稷奔馳趨走也

召誥

惟二月既望

十五日望日月正相望也

既得厥卜則經營

市處王城之北朝為陽故在南市為陰故處北

節性惟日其邁

和協殷周新舊之臣制其性命勿使怠慢也

洛誥

周公既至洛邑乃遣以所卜吉兆來告於王

我卜河朔黎水我乃卜澗水東澗水西惟洛食

先卜河朔黎水者近於紂都為其懷土重遷故先

卜近以悅之

何書解上

十鄭媛館補校

王肇稱殷禮祀于新邑

舉行殷家舊祭祀用周之常法言周禮即殷家之舊禮也

考朕昭子刑乃單文祖德俾來毖殷乃命寧

文武使我來慎教殷民今我受文武之命以安民也

君奭

予惟用閔于天越民

我亦自用勉勸躬行於天道加益於民者也

多方

爾曷不夾介乂我周王享天之命

汝眾方諸侯何不常和協相親近大顯見治道於我周王以享上天之命而今何以不自安乎

越惟有胥伯小大多正爾罔不克臬

相長事即小大眾正官之人也

又曰時惟爾初不克敬于和則無我怨

又曰者是王又復言曰也

立政

繼自今我其立政立事準人牧夫我其克灼知厥若
丕乃俾亂

君能知臣下順於事則臣感君恩大乃治理各盡
心力也

自一話一言我則末惟成德之彥以又我受民
人君為政之道當須用一善而已為善之法惟在
一言也末訓為終彥訓為美士王能出言皆善口
無可擇如此我則終惟有成德之美以治我所受
天民矣

顧命

越七日癸酉伯相命士須材

命士供葬椁之用並同上

先輅在左塾之前次輅在右塾之前

先輅在左塾之前在寢門內之西北面對王輅次

輅在右塾之前在寢門內之東面對金輅也正義凡

所陳列自狄設黼宸已下至此皆象成王生時華

國之事所以重顧命也同上

Blank manuscript page with vertical columns for writing.



